

438.3
112
1/2

野
蠶
錄

野

替
𧈧

錄

宣統元年八月安慶
國家官印書館代印

二品銜署安徽勸業道爲詳送事案奉

撫憲札開宣統元年三月二十一日准

憲部咨本部綜轄農政關係重要亟應博稽圖籍借鏡前師中國農學講求最古如農林蠶桑畜牧漁業各項事宜其研精專學著述成書者代有其人且現在各省農業學堂漸次設立編輯講義以及私家著述有裨農政之書更復不少自應先事徵羅以供研究除分行外相應咨行查照凡關於農政諸書無論舊刻新著採取多種彙寄到部以備參考等因到院札行到道當經分別移行廣爲蒐取送道轉詳去後茲據勸業公所商務科員王令元稹稟稱

竊維農書昉於六國班志列爲專家雖近識小之流實屬養生之本所以秦皇滅古不焚種樹之書元祖開基厥有農桑之輯知縣籍居山左土產野蠶杼柚幾徧於登萊碑販遙通夫歐美所惜傳聞各異撰述無徵廣志則僅載其名爾雅未徧臚其類考唐書柳繭史氏誤作楨祥解禹貢槩絲後儒說多附會誦讀暇日撫拾雜家詳其樹育繅織之宜辨其形狀名稱之異分年列表洵出口之大宗貼說繪圖備一方之天產仿賈思勰齊民要術間存異域物名例徐光啓農政全書附載泰西水法幾經鉛槧婁易星霜始自亥年成於寅紀武硤非寶不妨什襲之藏弊帚足珍

聊作千金之享茲值

大部振興實業搜集佚書爰事踵增付諸擺印寸枝尺木
謬附作者之林塗說道聽幾同野人之語譯新編於海外
一任汗牛矜創見於遼東獨殷獻豕自慙管穴上貢輜軒
懇准詳咨以供採擇等情並野蠶錄三份到道據此查野
蠶絲綢爲近年出口大宗其樹育繅織之法古無專書今
該員廣徵博採編輯成篇農政前途裨益非淺既據稟呈
前來理合具文詳送仰祈

憲部鑒核備查除詳

撫憲外爲此備由呈乞

照詳施行

宣統元年八月二十八日

野蠶錄序

家蠶野蠶之利權輿於今之山東禹貢兗州桑土旣蠶青州厥
筐槩絲蓋桑以飼蠶而槩亦桑之有點文者具見於顏氏漢書
注但猶未及於野蠶之利也古今注載元帝永光四年東萊郡
東牟山有野蠶爲蠶民以爲蠶絮是爲野蠶發見山左之始郭
義恭廣志始有柞蠶之名王禹偁詩云野蠶自成繭縑絡爲山
綢此物產何許萊夷負海州詩雖小道亦足證物產之原矣甯
海王君文甫生長山左於樹育縑織諸法無不身親目覩洞悉
其奧窔旁搜博採都爲一書足補齊民要術農政全書所未備
歲壬寅在皖刊行以資法倣乙巳回籍詳加釐訂到皖後重付

擺印方伯嘉興沈公嘉賞其書謂有裨實業商諸觀察四明童公籌款仿行於是有鳳陽柞蠶傳習所之設觀察復摘其尤要別爲一書刊布淮南北廣爲勸導於是有柞蠶簡法之編蓋皖省蠶業之盛由此始矣夷攷康熙時諸城人劉榮爲牧甯羌乾隆時歷城人陳玉璧出守遵義灘人韓公復作宰來安之三公者皆就其鄉購取繭種放養山蠶爲斯民興利公復莅任未久未竟其業至甯羌遵義之間蠶業之盛至今人猶利賴之君子之於民也務崇本富而樹百年之利文甫之於野蠶錄以庶幾有裨實業其意豈有異歟曩覲攝守鳳陽見其壤地瘠薄水潦頻仍人惰於農貨棄於地覲固浙人杭湖絲業甲於天下屢思

仿辦顧其種於鳳陽不宜因記鳳郡野蠶成繭史不絕書又以
其密邇齊豫特頒文告與民慮始惜不獲久任迄未收效文甫
之書而行於世其足補余之不逮也夫己酉秋日黃巖王詠霓

中國蠶桑之利冠於五洲以故家有撰述言蠶之書幾充棟而言野蠶者獨鮮登萊野蠶自古有之甯海張鍾峯著有山蠶譜一書惜兵燹後稿已散佚惟州志僅存其序每思考其種類詳其飼養以紀一方物產之盛有志未逮也戊戌秋分發來皖晤同鄉于莠航於來安因詢以史稱滁州野蠶食櫟葉成繭大如柰今滁屬果否宜蠶莠航言乾隆中濰縣韓公復任來安嘗募東省蠶工教民野蠶當時甚蒙其利公復手訂養蠶成法今尙載來安縣志中乃索而讀之惜其簡略且其法與今多不合因不揣固陋謹就平日所見聞者彙而錄之並搜採雜書以附益之編次既竟名之曰野蠶錄時

朝廷下維新之詔力求變法以圖自強竊謂富者強之基也故泰西各國莫不以商務爲重中國出口之貨以茶絲爲大宗近年以來茶業敗而絲亦因之議者以爲各國皆產絲且製作尤佳不復仰給於中國故出口之數日少此論似是而實非中國養蠶之地莫盛於湖州乃近年所出之絲除出口外卽不足供本地之需遂越太湖往無錫購買麤絲攪雜之以爲緯每年多至數百萬斤而綢緞之屬價且日昂而未有極足徵中國於養蠶一事未能切實講求實出絲之不旺非有絲而不售也野蠶之絲雖不如家蠶而其工省其利倍柵柞等樹隨處有之緣山礪谷不比栽桑之煩難我中國幅員寥闊誠使逐漸推廣飼養

得法將出口之數日多一日未始不足以補家蠶之缺而失之東隅者或收之桑榆也是則區區之意也夫

光緒壬寅六月甯海王元縱自敘

恭錄

高宗純皇帝聖諭

上諭軍機大臣等據四川按察使姜順龍奏稱東省有蠶二種食椿葉者名椿蠶食柞葉者爲山蠶此蠶不須食桑葉兼可散置樹枝自然成繭臣在蜀見有青杠樹一種其葉類柞堪以餵養山蠶大邑縣知縣王雋曾取東省繭數萬散給民間教以餵養兩年以來已有成效仰請飭下東省撫臣將前項椿蠶山蠶二種作何餵養之法詳細移咨各省如各省見有椿樹青杠樹卽可如法餵養以收蠶利等語可寄信喀爾吉善令其酌量素產椿青等樹省分將餵養椿蠶山蠶之法移咨該省督撫聽其依

法餽養以收蠶利再直隸與山東甚近餽養椿蠶山蠶不知可行與否並著寄信詢問高斌

乾隆八年十一月初八日

野蠶錄目錄

卷首

恭錄

高宗純皇帝聖諭

卷一

考證

雜錄

卷二

野蠶名

樹名

種樹

育蠶

卷三

春蠶

秋蠶

縲絲

縲具

卷四

織綢

出口表